

Taxtar 2023

vegna skógræktar á lögbýlum

Í 14. grein laga um skóga og skógrækt nr. 33/2019 kemur fram að Skógræktin skuli hafa samstarf við félög skógarbænda á viðkomandi svæðum. Skógræktin skuli leita umsagnar Landssamtaka skógareigenda (LSE) við ákvörðun viðmiða fyrir endurgreiðslu samþykks kostnaðar skv. 4. mgr. 11. gr. Þá skulu Skógræktin og Landssamtök skógareigenda móta sér sameiginlegar verklagsreglur um hvernig samráði þeirra í milli skuli háttað. Með vísan í þessa lagagrein sem og 8. gr. reglugerðar nr. 286/2015 eru eftirfarandi viðmið (taxtar 2023) send til umsagnar.

Frá árinu 2020 hefur samkomulag verið á milli LSE og Skógræktarinnar um að taxtabreytingar skuli reiknaðar sem blanda af vísitölu launa og vísitölu framfærslu- og neysluverðs jan. 20xx - jan. 20xx. Notuð verði hlutföllin 60% launavísitala og 40% vísatala framfærslu- og neysluverðs. Með þeirri reiknireglu liggur fyrir að 9,1% hækkun verði á töxtum árið 2023.

Taxtar 2023			
Verkbættir	2023	2022	
	Krónur	Krónur	
1. Gróðursetning krónur/planta			
67 gata bakki	20,60	18,90	
40 gata bakki	24,40	22,30	
35 gata bakki	28,00	25,70	
24 gata bakki	30,00	27,50	
Stiklingar	18,00	16,50	
2. Áburðargjöf			
á nýgróðursetningu	11,30	10,40	
á eldri plöntur	14,90	13,70	
3. Handflekkning	15,90	14,60	
4. Erfið handflekkning	20,70	19,00	
5. Umsjónargjald	8,30	7,60	
6. Íbætur/íblöndun	6,10	5,60	
7. Plöntuflutningar, kr. á plöntu			
Innan við 24,9 km frá dreifingarstöð	2,10	1,90	
25-74,9 km frá dreifingarstöð	3,50	3,20	
Yfir 75 km frá dreifingarstöð	4,80	4,40	
8. Jarðvinnsla á hektara (kr/ha)	49.512,80	45.382,10	
9. Skjólbelti	sjá skýringu		
10. Millibilsjöfnun í lerkiskógi			
A) fyrir tré/stofna gennri en 7 cm DBH eru greiddar kr.	106,60	97,70	
B) fyrir tré/stofna sverari en 7 cm DBH eru greiddar kr.	163,30	149,70	
11. Girðingaviðhald kr./samningsbundinn hektara	818,30	750,00	

Skýringar:

1. **Gróðursetning.** Mismunandi gjald er greitt fyrir hverja gróðursetta plöntu eftir bakkastærð.
2. **Áburður og áburðargjöf.** Mismunandi gjald er greitt fyrir áburðargjöf. Annars vegar á nýgróðursetningar þar sem miðað er við 12,5 gr. á plöntu sem dreift er u.b.b. 5 cm frá plöntu og ofan við standi hún í halla. Inni í gjaldinu er styrkur til áburðarkaupa en miðað er við að notaður sé áburður með N- og P-innihaldi. Algeng hlutföll af N-P eru 26-13, 25-5, 23-12, 24-9. Hins vegar áburðargjöf á eldri gróðursetningar; þar er átt við ársgamlar gróðursetningar og eldri. Þá miðast magnið við 25 gr. á plöntu sem dreift er eins og á nýgróðursetta plöntu. Samráð skal haft við skógræktarráðgjafa ef talin er þörf á áburðargjöf á eldri gróðursetningar.
3. **Handflekkning.** Þegar gróðurhula ca 20 x 20 cm er rifin af til að bæta skilyrði fyrir gróðursetta plöntu.
4. **Erfið handflekkning.** Eins og handflekkning en á við um mjög grasgefið land og þéttan hrísmóá.
5. **Umsjónargjald.** Til umsjónar telst umhirða og flutningur á plöntum á gróðursetningarsvæði, útfylling og skil á kortum og gróðursetningarskýrslum.
6. **Íbætur/íblöndun.** Greitt er fyrir íblöndun þegar gróðursett er inn í eldri gróðursetningar. Á eingöngu við eftir ráðleggingar og samþykki skógræktarráðgjafa. Upphæðin leggst ofan á gróðursetningarkostnað, sbr. 1. lið.
7. **Plöntuflutningar.** Greitt er fyrir hverja plöntu, fast gjald.
8. **Jarðvinnsla.** Viðmiðunargjald ef bóndi sér sjálfur um jarðvinnslu (plæging, tæting, herfing o.s.fr.)
9. **Um framlag til ræktunar skjóllunda og skjólbelta** á jörðum gilda eftirfarandi reglur: Skógræktin annast skipulagningu skjóllunda og skjólbelta í samráði við ábúanda/landeiganda, eftirlit með framvindu þeirra og veita leiðbeiningar um meðferð þeirra. Ábúandi/landeigandi sér um jarðvinnslu, áburðargjöf, fergusku, plastlagningu og vörsu skjólbeltanna (t.d. girðingar). Af fjárveitingum Skógræktarinnar til skjólbeltagerðar er fastur vélastyrkur andvirði innskatts af efniskaupum (plöntur og plast); þessi háttur hefur verið hafður á tvö undanfarin ár. Útborgun verði þar með engin, en ábúandi/landeigandi innheimti virðisaukaskatt efnisreikninga. Innihald framlags í skjólbeltasamningi verður því eftirfarandi:
 1. Ráðgjöf og skipulag
 2. Plöntur og íbætur
 3. Gróðursetning skv. taxta
 4. Plastdúkur
10. Ábúandi/landeigandi skal fara eftir ráðleggingum starfsmanns Skógræktarinnar varðandi skipulag, jarðvinnslu, plastlagningu, gróðursetningu, áburðargjöf, umhirðu og vörsu skjólbeltanna. Fari ábúandi/landeigandi ekki eftir þeim ráðleggingum fær hann

ekki áframhaldandi framlög til skjólbeltaræktar. Þau skjólbelti sem verða til á þann hátt sem að framan greinir verða að öllu leyti í eigu ábúanda/landeiganda.

11. **Greiðslur fyrir millibilsjöfnun í lerkiskógi og fyrir fyrstu grisjun** (svæði minni en þrír ha) í ungskógum eru tvískiptar og er greitt eftir fjölda felldra trjáa. Öll grisjun umfram þrjá hektara verður boðin út. Skógarbóna verður gert kleift að ganga inn í lægsta tilboð á sinni jörð ef hann óskar þess.
12. **Greitt er fyrir girðingaviðhald.** Viðmiðið er ákveðin krónutala á hvern samningsbundinn ha sbr. gildandi reglur sem tóku gildi 1. janúar 2022:

Reglur um framlög vegna girðingarviðhalds samningssvæða í skógrækt á lögbýlum

Þessar reglur eru unnar á grundvelli laga um skóga og skógrækt nr. 33/2019 og reglugerðar um landshlutaverkefni í skógrækt nr. 285/2015.

1. Aðilar með þinglýstan samning um skógrækt á lögbýlum eiga rétt á að sækja um styrki til girðingaviðhalds meðan á gróðursetningu stendur og unglöntur þurfa á friðun að halda.
2. Rétturinn gildir til allt að 10 ára frá síðustu gróðursetningu þar sem minnst 1.000 plöntur voru gróðursettar. Eftir það fellur hann niður, að því gefnu að áframhaldandi friðun sé skóginum ekki nauðsynleg. Hægt er að sækja um framhald styrkja til girðingaviðhalds á grundvelli friðunarþarfars skógarins og metur Skógræktin nauðsyn þess í hverju tilviki miðað við hæð plantna og beitarálag.
3. Sótt eru um stuðning vegna girðingaviðhalds í upphafi hvers árs, um leið og sótt er um stuðning til annarra framkvæmda s.s. gróðursetningar, snemmgrisjunar, slóðagerðar og jarðvinnslu.
4. Viðhaldsgreiðslur girðinga eru ákveðin krónutala á hvern hektara samningssvæðis, skv. lið 1. Viðmiðunartaxtinn árið 2022 er 750 krónur/ha samningssvæðis.
5. Taxtinn er gefinn út ár hvert um leið og aðrir taxtar Skógræktarinnar, í samræmi við 8. gr. í reglugerð Lhv. nr. 285/2015 og er uppfærður árlega miðað við verðlagsbreytingar.
6. Uppgjör á framlagi fer fram eftir úttekt skógræktarráðgjafa, sem fer fram um leið og úttekt á öðrum framkvæmdum, á viðkomandi skógarjörð ár hvert.

Reglur þessar taka gildi frá og með 1. janúar 2022.